

**JU SREDNJA GRAĐEVINSKO – GEODETSKA ŠKOLA**  
**Ulica Franca Lehara broj 5**  
**71000 SARAJEVO**

Na osnovu člana 123. stav (4) Zakona o srednjem obrazovanju („Službene novine Kantona Sarajevo“ broj 23/17 i 30/19), člana 3. Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“ broj 35/17), Saglasnosti Ministra za obrazovanje, nauku i mlade Kantona Sarajevo broj: 11-30-1316-718/20 od 31.12.2020. godine i Odluke Školskog odbora škole broj: 04-69/21 od 14.01.2021. godine,  
**r a s p i s u j e s e:**

**J A V N I   K O N K U R S**  
**za popunu upražnjenih radnih mjesta u školskoj 2020/2021. godini**

1. Domar škole – 1 izvršilac, 40 sati radnog vremena sedmično, na određeno vrijeme, od okončanja konkursne procedure do 31.08.2021. godine,
2. Dnevni čuvar zadužen za sigurnost - portir – 1 izvršilac, 40 sati radnog vremena sedmično, na određeno vrijeme, od okončanja konkursne procedure do 31.08.2021. godine,

Pored opštih uslova za zasnivanje radnog odnosa predviđenih Zakonom o radu, kandidati su dužni ispunjavati i posebne uslove koji su utvrđeni Pedagoškim standardima i normativima za srednje obrazovanje i Pravilnikom o radu i to za:

- Poziciju broj 1. – III stepen stručne spreme – vodoinstalater ili bravar
- Poziciju broj 2. – III ili IV stepen stručne spreme i položen ispit iz protivpožarne zaštite.

**Kandidati koji konkurišu na navedena radna mjesta obavezni su blagovremeno dostaviti slijedeću dokumentaciju –i to obaveznu dokumentaciju:**

- a) svojeručno potpisanu pisanu prijavu na konkurs sa kratkom biografijom, kontakt podacima kandidata, tačnom naznakom na koju poziciju se konkuriše i tačno navedenom dokumentacijom koja se prilaže uz prijavu na konkurs,
- b) diplomu/svjedodžbu o stečenoj stručnoj spremi,
- c) izvod iz matične knjige rođenih,
- d) uvjerenje o državljanstvu (ne starije od 6 mjeseci) od dana objavljivanja konkursa,
- e) uvjerenje/potvrdu o položenom ispitu iz protivpožarne zaštite (**za poziciju broj 2**).

**Uz navedenu obaveznu dokumentaciju kandidati mogu dostaviti i dodatnu dokumentaciju:**

- a) uvjerenje/potvrdu o radnom stažu i uvjerenje sa šifrom zanimanja koje izdaje PIO/MIO,
- b) uvjerenje/potvrda o ostvarenom radnom stažu kod poslodavca kod kojeg je kandidat radio sa tačno naznačenim poslovima i radnim zadacima, te godinama i mjesecima radnog staža koje je kandidat obavljao,
- c) uvjerenje o položenom stručnom ispitu,
- d) potvrdu o vremenu provedenom na evidenciji Službe za zapošljavanje Kantona Sarajevo (ne starija od tri mjeseca),
- e) rješenje/uvjerenje nadležnog kantonalnog/općinskog organa o priznavanju svojstva člana porodice šehida/poginulog branioca, člana porodice nestalog i umrlog branioca, dobitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zarobljenika i demobilisanog branioca kao zaslužnog lica u odbrambeno-oslobodilačkom ratu sa područja Kantona Sarajevo, ratnog vojnog invalida i člana porodice ratnog vojnog invalida izdato u svrhu ostvarivanja prava prednosti pri zapošljavanju (ne starije od šest mjeseci),
- f) osobe koje imaju status naveden u tački (e) ovog konkursa obavezne su pored rješenja/uvjerenja nadležnog kantonalnog/općinskog organa o priznavanju statusa dostaviti i uvjerenje/potvrdu o neprekidnom prebivalištu na području Kantona Sarajevo u posljednjih 24 mjeseca (ne starije od šest mjeseci),
- g) potvrdu o autorstvu/koautorstvu udžbenika koju izdaje Federalno ministarstvo obrazovanja i nauke na osnovu člana 169.-170. Zakona o upravnom postupku FBiH (2/98 i 48/99).

**Prednost u zapošljavanju pod posebnim uslovima**

Pored dokumentacije navedene pod tačkama e) i f) kao dokaz o pripadnosti boračkoj populaciji, kandidati trebaju blagovremeno dostaviti dokumentaciju kojom dokazuju status korisnika, u skladu sa odredbama Uredbe o jedinstvenim kriterijima i pravilima za zapošljavanje branilaca i članova njihovih

porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo”, broj: 37/20) .

**Popis dokumentacije kojom se dokazuje status korisnika po Uredbi**

1. Član porodice šehida/poginulog, umrlog i nestalog branioca: Uvjerenje o statusu djeteta šehida poginulog, umrlog i nestalog branioca, Rješenje o priznatom pravu na porodičnu invalidninu za suprugu šehida/poginulog, umrlog i nestalog branioca i Uvjerenje o učešću u Oružanim snagama za šehida-poginulog, umrlog i nestalog branioca (izdato od Općinske službe za boračko-invalidsku zaštitu-Grupa za pitanja evidencija iz oblasti vojne obaveze prema mjestu prebivališta);

2. Ratni vojni invalid: Rješenje o priznatom svojstvu ratnog vojnog invalida (izdato od Općinske službe za boračko-invalidsku zaštitu);

3. Dobitnik ratnog priznanja i odlikovanja: Rješenje o priznatom pravu na mjesečno novčano primanje dobitnika priznanja (izdato od Općinske službe za boračko-invalidsku zaštitu);

4. Demobilizirani branioci: Uvjerenje o učešću u Oružanim snagama (izdato od Grupe za pitanja evidencija iz oblasti vojne obaveze prema mjestu prebivališta);

5. Dijete:

a) ratnog vojnog invalida: Uvjerenje o statusu djeteta ratnog vojnog invalida i Rješenje o priznatom pravu na invalidninu i Rješenje o priznatom pravu na mjesečni novčani dodatak (izdato od Općinske službe za boračko-invalidsku zaštitu);

b) dobitnika ratnog priznanja i odlikovanja: Uvjerenje o statusu djeteta dobitnika ratnog priznanja i odlikovanja i Rješenje o priznatom pravu na mjesečni novčani dodatak (izdato od Općinske službe za boračko-invalidsku zaštitu);

c) demobiliziranog branioca: Uvjerenje o statusu djeteta demobiliziranog branioca i Uvjerenje o učešću u Oružanim snagama (izdato od Grupe za pitanja evidencije iz oblasti vojne obaveze prema mjestu prebivališta).

Osim navedenog, shodno članu 3. stavu (3) Uredbe, kandidat je dužan dostaviti uvjerenje/potvrdu o prebivalištu/boravištu na području Kantona Sarajevo izdato od nadležnog organa (ne stariju od šest mjeseci). Kandidat koji ostvaruje pravo na prioritet pri zapošljavanju, shodno članu 5. stav (1) navedene Uredbe, dužan je dostaviti uvjerenje JU „Služba za zapošljavanje Kantona Sarajevo“ Sarajevo da se u momentu podnošenja prijave na javni konkurs nalazi na evidenciji nezaposlenih lica, odnosno uvjerenje da je zaposlen sa nižom stručnom spremom od stručne spreme koja se traži konkursom.

Prijava kandidata koji nije dostavio dodatnu dokumentaciju će se smatrati urednom, a prijavljeni kandidat će se bodovati samo po osnovu onih kriterija za koje je dostavio urednu i validnu dokumentaciju.

Dokumentacija koju kandidat dostavlja uz prijavu na konkurs mogu biti kopije uz obavezu da kandidat koji je primljen po konkursu dostavi originalnu dokumentaciju ili ovjerene kopije dokumentacije, najkasnije pet dana po dobijanju odluke o izboru kandidata.

Po konačnosti odluke o izboru radnika, kandidat koji bude izabran dužan je dostaviti ljekarsko uvjerenje nadležne zdravstvene ustanove koje nije starije od šest mjeseci.

Kriteriji, procedure, uslovi, način bodovanja i izbor kandidata po ovom javnom konkursu utvrđeni su Pravilnikom sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“ broj 35/17) uz primjenu Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo”, broj: 37/20)

Javni konkurs ostaje otvoren osam (8) dana od dana objavljivanja u dnevnim novinama.

Nepotpune i neblagovremene prijave neće se uzimati u razmatranje.

Prijave sa potrebnom dokumentacijom mogu se dostaviti lično u Sekretarijat škole ili slati na adresu: JU Srednja građevinsko – geodetska škola Sarajevo, Ulica Franca Lehara broj 5.

Dokumentacija prijavljenih kandidata koji ne budu izabrani po ovom konkursu vraća se na lični zahtjev putem protokola škole u roku od mjesec dana od dana konačnosti odluke o izboru.

Javni konkurs je objavljen u „Dnevnom avazu“ 15.01.2021. godine i ostaje otvoren do 25.01.2021. godine.